



Na osnovu člana IV.3.d) Ustava Bosne i Hercegovine, te na osnovu člana 165. Poslovnika Predstavničkog doma Parlamentarne skupštine Bosne i Hercegovine, Predstavnički dom je na 32. sjednici, održanoj 30. 8. 2022, usvojio

**PREPORUKU O POSTUPANJU VIJEĆA MINISTARA BOSNE I HERCEGOVINE I
DRUGIH INSTITUCIJA BOSNE I HERCEGOVINE PO PITANJU
KOMEMORACIJA U BLEIBURGU**

1. Predstavnički dom Parlamentarne skupštine BiH pozdravlja Rezoluciju Nacionalnog vijeća Austrije 618/1(E) od 9. 7. 2020. o zabrani komemoracija u Bleiburgu i drugim mjestima u Austriji.
2. Predstavnički dom pozdravlja Zaključke Ministarstva unutrašnjih poslova Austrije iz novembra 2021. godine, donesene na osnovu zahtjeva iz te rezolucije, u kojim se, između ostalog, ističe da su komemoracije kod Bleiburga uključivale „nacional-socijalističke aktivnosti“, kao i „komemoraciju fašističkog režima“, te da „takvi događaji, pogotovo na način na koji su održavani 2019. i ranije moraju biti zabranjeni“, kao i da se „grb koji počinje s bijelim poljem ima smatrati zabranjenim amblemom u okviru Zakona o amblemima“.
3. Uzimajući u obzir učešće zvaničnih delegacija iz Bosne i Hercegovine na komemoracijama kod Bleiburga o trošku po budžet institucija BiH, uključujući 2019. i ranije, Predstavnički dom traži od Vijeća ministara BiH, a posebno od Ministarstva sigurnosti BiH, te drugih institucija Bosne i Hercegovine, da ispita sve mogućnosti, uzimajući u obzir zahtjeve Povelje o osnovnim pravima Evropske unije, Evropske konvencije o ljudskim pravima i druge ustavne odredbe, kroz zakonske mjere na nivou Bosne i Hercegovine, bilateralnom i evropskom nivou, o zabrani ultranacionalističko-fašističkih komemoracija vezanih za Bleiburg, odnosno utroška budžetskih sredstava za takve svrhe, u svim budućim godinama.
4. Predstavnički dom traži od Vijeća ministara BiH da dostavi zaključke o zahtjevima iz prethodne tačke u roku od 60 dana od dana usvajanja ove preporuke.
5. Ova preporuka stupa na snagu danom donošenja, a objavit će se u „Službenom glasniku BiH“.

Broj: 01-02-2-1322/22

Sarajevo, 30. 8. 2022.

PREDSJEDAVAJUĆI
PREDSTAVNIČKOG DOMA
Nebojša Radmanović